

Sus es sancions.

Eth non compliment des normes serà sancionat d'acòrd damb era normativa vigenta. A cada falta tipificada, se li assigne ua puntuacion segontes era següenta baremacion:

Falta tipificada	Puntuacion	Agreujant se non se presente ath professor de guàrdia
Expulsion de classe	1	
Parte laguens dera classe	1	
Gessuda sense autorizacion	1	1
Falta injustificada	1	
Puntualitat	0,5	

Escala de sancions:

Punts	Consideracion	Sancion
3	Conducta contrària as normes.	Qualificacion, sancion e comunicacion pairs
6	2ª. Conducta contrària as normes.	Qualificacion, sancion e comunicacion as pairs
9	Conducta greument perjudiciu	Expedient damb entrevista pairs..

ARTICLE 40:

Conductes contràries as normes de conviuença deth centre e mesures correctores.

(a) Se consideraràn conductes contràries as normes de conviuença deth centre es que seguissen:

- 1) Es fautes injustificades de puntualitat o d'assistència a classe.
- 2) Es actes d'incorreccion o desconsideracion damb es auti membres dera comunautat educatiua.
- 3) Es actes injustificadi qu'altèren eth desvolopament normau des activitats deth centre.
- 4) Es actes d'indisciplina e es injúries o aufenses contra membres dera comunautat educatiua.
- 5) Eth deteriorament, causat intencionadament, des dependéncies deth centre, deth materiau d'aguest o dera comunautat educatiua.
- 6) Quinsevolha auta incorreccion qu'altère eth normau desvolopament dera activitat escolar, que non constituïsqi falta.

(b) Es mesures correctores qu'eth RRI previé entàs conductes contràries as normes de conviuença deth centre son:

- 1) Amonestacion orau.
- 2) Compareishença immediata deuant deth cap d'estudis o deth director deth centre.
- 3) Privacion deth temps dera recreacion.
- 4) Amonestacion escrita per part deth tutor der escolan, eth cap d'estudis o eth director.
- 5) Realizacion de trabalhs educadors entar escolan, en orari non lectiu, e/o era reparación economica des daumatges causadi ath materiau deth centre o ben ath d'auti membres dera comunautat educatiua. Era realizacion d'aguesti trabalhs non se poderà perlongar per un periode superior a dues setmanes.
- 6) Suspension deth dret a participar en activitats extraescolares o complementàries deth centre per un periode maximom d'un mes.
- 7) Cambi de grop der escolar.
- 8) Suspension deth dret d'assistència a classes per un periode non pas superior a cinc dies lectius. Pendent era imparticion d'aguestes classes er escolan aurà de demorar en centre en tot realisar es trabalhs academics que se li encomanen.

ARTICLE 41:

Conductes grèument perjudiciaus entara conviuença en centre, qualificades coma falta, e sancions.

(a) Se consideraràn fautes es conductes grèument perjudiciaus entara conviuença en centre que seguissen:

- 1)Es actes grèus d'indisciplina, injúries o aufenses contra membres dera comunautat educatiua.
- 2)Era agression fisica o amenaces contra d'alti membres dera comunautat educatiua.
- 3)Eth deteriorament grèu, causat intencionadament, des dependéncies deth centre, deth materiau d'aguest o des objèctes e pertences des alti membres dera comunautat educatiua.
- 4)Es actes injustificadi qu'altèren grèument eth desvolopament normau des activitats deth centre.
- 5)Es actuacions e incitacion a actuacions perjudiciaus entara salut e era integritat personau des membres dera comunautat educatiua.
- 6)Era reiterada e sistematica comission de conductes contràries as normes de conviuença deth centre.

(b)Es sancions que poderàn impausar-se pera comission des fautes previstes en apartat anterior son es que seguissen:

- 1)Realizacion de trabalhs educadors entar escolan que non se poderàn perlongar per un periode superior a un mes.
- 2)Suspension deth dret a participar en activitats extraescolares o complementàries deth centre pendent un periode que non poderà èster superior ath que rèste entar acabament deth corresponent cors academic.
- 3)Cambi de grop o classe der escolan.
- 4)Suspension deth dret d'assisténcia ath centre o a determinades classes per un periode inferior a dètz dies lectius, sense qu'açò compòrte era pèrdua deth dret ara avaloracion continua, e sense perjudici dera obligacion de realizar determinadi trabalhs academics en domicili der escolan, en supausat de privacion deth dret d'assisténcia ath centre.
- 5)Inabilitacion tà corsar estudis en centre peth periode que rèste entar acabament deth corresponent cors academic.
- 6)Inabilitacion definitiva entà corsar estudis en centre.

(c) Es escolans qu'intencionadament o per negligéncia causen daumatges enes installacions deth centre o ath sòn materiau o lo sostrèiguen son obligadi a reparar eth daumatge o a restituir çò que s'age sostreigut. Era responsabilitat civil correspon as pairs o representants deth escolans enes tèrmes previsti ena legislacion vigenta.